

**ԳՈՅԱԿԱՆՈՎ ԱՐՏԱՀԱՅՏՎԱԾ ՈՐՈՇԻՉԻ ՀԱՄԱԶԱՅՆՈՒԹՅՈՒՆԸ
ԳՐԱՔԱՐՈՒՄ**

Հ. Մ. ԱՎԵՏԻՍՅԱՆ

Գրաբարում որոշիչը արտահայտվում է նաև գոյական անվամբ: Գոյական անունը որոշիչ դառնալիս վերանում է իր առարկայական նշանակությունից և իմաստով մոտենում ածականին, վերջինիս պես արտահայտում որակական և այլ հատկանիշներ՝ հատկապես այն դեպքում, երբ այն վերցված է լինում որևէ հատկանիշի փոխարեն կամ կիրառվում փոխաբերական իմաստով:

Գրաբարում գոյականով արտահայտված որոշիչ-որոշյալի և բացահայտիչ-բացահայտյալի կապակցություններն ունեն մի շարք ընդհանրություններ, որը հաճախ դժվարացնում է ճշգրտորեն միմյանցից սահմանազատել այդ երկու կապակցությունները:

Պատկերը այլ է ժամանակակից հայերենում, ուր գոյականով արտահայտված որոշիչն ու բացահայտիչը իրարից տարբերվում են շարահյուսական որոշակի հատկանիշներով: Արդի հայերենում բացահայտիչը պարտադիր շարադասվում է իր լրացյալից հետո, հաճախ համաձայնում նրան հոլովով, թվով, դեմքով և ամենակարևորը, առանձնացվում հատուկ տրոհվող հնչերանգով: Առանձին դեպքերում նշված հատկանիշներից մի քանիսը կարող են չպահպանվել, բայց միշտ կլինեն հտադաս շարահասությունն ու բացահայտիչն հատուկ տրոհվող արտաբերությունը: Իսկ գոյական որոշիչը նախադասվում է իր լրացյալին, հոլովով, թվով կամ դեմքով երբեք չի համաձայնվում նրան:

Մինչդեռ գրաբարի գոյական որոշիչի և բացահայտչի սահմաններն հաճախ այնքան են մոտենում, որ դժվար է լինում տարբերակել: Այդ դժվարությունը պայմանավորված է.

ա) գրաբարում իրենց լրացյալին հոլովով ու թվով կարող էին համաձայնել ինչպես բացահայտիչը, այնպես էլ որոշիչն ու հատկացուցիչը. բ) մեզ հայտնի չէ, թե յուրաքանչյուր կոնկրետ դեպքում ինչպիսի արտաբերությունն ունեցել երկու գոյականների կապակցությունները. գ) ինչպես առհասարակ գրաբարի նախադասության շատ անդամներ, այնպես էլ որոշիչներն ունենին ազատ շարահասություն, որի պատճառով հաճախ արտաքին նմանություն է առաջանում հտադաս գոյական որոշիչի և բացահայտչի միջև:

Արդ, նման պայմաններում կարելի է, արդյոք, ցույց տալ միջոցներ, որոնցով հնարավոր լինեն որոշել նախադասության այդ երկու անդամների տարբերակիչ սահմանները: Դա հիմնականում հնարավոր է:

Նախ այն մասին, թե ինչպես են ճանաչվել ու զնահատվել գրաբարի գոյական որոշիչն ու բացահայտիչը անցյալի և արդի հայ քերականագիտություն մեջ:

XVII դ. քերական Մ. Սեբաստացին գրում է, որ երբ երկու գոյականներ միևնույն բանն են նշանակում՝ դրված նույն հոլովով, առանց շաղկապի, ա-

պա նրանք մեկը մյուսին բացահայտիչ են, ինչպես՝ «Հոսմ քաղաք», «Գետ. Եփրատ», «Սիմոն Պետրոս» և այլն¹։ Նա առհասարակ չի խոսում գոյականի ածականական գործածությունների մասին։ Բայց, ըստ Սեբաստացու, իրար կապված երկու գոյականների դեպքում, եթե կա հոլովական և թվային համաձայնություն, յուրաքանչյուր անգամ կարող է համարվել մյուս անգամի լրացումը։

Բաղդասար Դպիրն այս հարցի վերաբերյալ ունեցել է այլ ըմբռնում։ Ըստ նրա, «Սիմոն Պետրոս», «Յուդա Կիրենի» և նման կապակցություններում Սիմոն և Յուդա գոյականներն ածականաբար դրվում են հարակից գոյականի վրա և դառնում նրանց հատկացուցիչները՝ համաձայնելով նրանց հետ այնպես, ինչպես համաձայնում են ածականները գոյականների հետ։ Նույն կերպով էլ, շարունակում է Բ. Դպիրը, արական և իգական հատուկ անունները կապակցվում են հասարակ գոյական անունների հետ, ինչպես՝ «Սիմոն դավիթյան» և այլն²։

Մ. Հարությունյանը խոսելով բացահայտիչ մասին, նշում է, որ այն կարող է լինել թե՛ նախադաս, թե՛ հետադաս և երկու դեպքում էլ համաձայնում է իր լրացյալին։ Սակայն պատահում է, որ բացահայտիչը մնում է անհամաձայն, և դա այն դեպքում, երբ նա դրվում է ուղղական հոլովով որպես ածական՝ «ի լերին Սէիր», «Յորդանան գետոյ», կամ էլ դրվում է սեռական հոլովով որպես հատկացուցիչ «զգետով Եփրատայ» և այլն³։ Այստեղ ներթուփումն այն է, որ նա ածական է համարում գոյականի այն կիրառությունները միայն, որոնք ուղղական հոլովով գրված են իրենց լրացյալի թեքված հոլովաձևերի վրա։ Կարևորն այն է, որ Մ. Հարությունյանը որոշակի տարբերակում է սովորական բացահայտիչները և, նրա բառերով ասած, ածականական ու հատկացուցչային բացահայտիչներին։

Գ. Ավետիսյանը երկու գոյականների կապակցությունը, եթե նրանք հատկացուցիչ-հատկացյալներ չեն, դիտում է որպես բացահայտիչ և բացահայտյալի կապակցություն։ Գոյականի ածականական գործածությունների մասին առանձին դիտողություններ չունի։

Սակայն նա գտնում է, որ բացահայտիչը սովորաբար ետադասվում է իր լրացյալին, իսկ երբ այն նախադասվում է, վերածվում է բացահայտյալի։ Օրինակ՝ «Հայր մեր Աբրահամ» կապակցության մեջ նա բացահայտիչ է համարում Աբրահամ բառը, իսկ «Աբրահամ հայ մեր» կապակցության մեջ՝ հայր բառը⁴։

Մ. էմինը ևս այն կարծիքին է, որ գրաբարում բացահայտիչը գրվում է հետադաս, իսկ երբ շարադասվում է գոյականից առաջ, վերածվում է բացահայտյալի⁵։

Գոյականների ածականական կիրառությունների մասին համեմատաբար ավելի ընդարձակ է խոսել Մ. Չամչյանը։ Այդ հարցը նա քննում է նույնիսկ

1 Մ. Սեբաստացի, Քերականութիւն գրաբարի լեզուի հայկազեան սեռի, Վենետիկ, 1730, էջ 391, տե՛ս նաև էջ 249։

2 Բաղդասար Դպիր Կոստան գնուպոլսեցի, Պարզաբանութիւն քերականութեան կարճառոտ և դիրքմաց, Կոստանդնուպոլիս, 1706, էջ 327։

3 Մեսրոպը Հարությունյան, Քերականութիւն, Կոստանդնուպոլիս, 1803, էջ 201։

4 Գ. Ավետիսյան, Քերականութիւն հայկական, Վենետիկ, 1815, էջ 328։

5 Մ. էմին, Քերականութիւն հայկական լեզուի, Մոսկվա, 1846, էջ 138։

առանձին վերնագրի տակ՝ «Գոյական անունն օ ի տեղի ածականաց»։ Այստեղ նա որոշակի ասում է, որ գոյական անուններն երբեմն հարում են գոյական անուններին իրբե ածականներ։ օրինակ՝ «ցխաւսր խորհորդս», «զգազան ցանկութիւն», «լիապ օձին», «ի Յոյն լեզու», «ի հալ բարբառ» և այլն։ Ուշադրաւն ալն է, որ նա, ի տարբերություն մյուս քերականների, գոյական անվան ալգոլիսի կիրառութիւններն ալևս բացահայտիչ չի համարում, որի համար էլ ալգոլիսի կիրառութիւնն ուսումնասիրում է բացահայտիչ առանձին։

Ա. Բագրատունու ձեռնարկում կան թուղիկ մտքեր ալն մասին, որ երբևէն գոյական անունները դրվում են ալ գոյական անունների վրա՝ ածականի նշանակութիւնը։ Նա առաջինն է, որ նկատում է ընտանութիւն բացահայտիչն ընդ ածականին՝ ըստ իմաստի։ Սա ղղալի առաջընթաց էր բացահայտիչ ու գոյական որոշիչի իմաստալին առանձնահատկութիւնները հասկանալու տեսակետից։ Սակալն Բագրատունին շունենալով հնչերանգի ըմբռնում, ալս հարցում մնում է մոտավորապես իր ժամանակի քերականների մալարղակին։ Գոյականի ածականական կիրառութիւնները նա համարում է ոչ թէ գոյականի առանձին, ալ իբրեւ գոյական բացահայտիչ մի տարատեսակ։ Ուլուս քերականների նման գտնում է, որ բացահայտիչ պաշտոնում երբեմս կիրառվում են ածականաբար ալն հատուկ տեղանունները կամ անձնանունները, որոնք դրվում են նախաղաս և ուղղական հոլովով՝ լրացալի թեք հոլովաձեւի վրա։ օրինակ՝ «Մարգարէն Մովսէս», «քաղաքն Երուսաղէմ», «Բալուր բղեշխի»։

Չալրխյան-Ալարնյանի գրաբարի ձեռնարկում գոյականի ածականական կիրառութիւնների մասին նոր բան չի ասվում։ Չալրխյանի ելակետն ալն է, որ երբ մի գոյական անուն դրվում է մի ալ գոյական անվան վրա, բացահայտում է նրան որևէ կողմից և դառնում նրա բացահայտիչը։ Ըստ բրում, վերջինս կարող է շարաղասվել իր լրացալից թե՛ առաջ, թե՛ հետո և հոլովով համաձայնում է նրան։ Միաժամանակ վ. Չալրխյանը գտնում է, որ կան գոյականներ, որոնք ածականի փոխարեն հն գործածվում, ինչպես նաև կան ածականներ, որոնք թե՛ գոյական են, թե՛ ածական։ օրինակ՝ «Հայաստան զրնդին», «յապառուժ վիմէ», «ի տէալ տիոց» և ալն։

Սու. Մալխասյանը ևս գտնում է, որ գրաբարում բացահայտիչը կարող է լինել թե՛ ետաղաս, թե՛ նախաղաս։ Ըստ նրա՝ բացահայտիչ են ալն բոլոր բառերը, որոնք գործածվելով ուրիշ ընդհանուր նշանակութիւն ունեցող բառի հետ, բացահայտում կամ որոշում են նրա մի մասնավոր կամ հատուկ տեսակը։ Բացահայտիչը, ըստ Մալխասյանի, պատասխանում է ո՞ր հարցին։ Այսպես, օրինակ, «Լեառն Մասիս» կապակցութիւն մեջ «Լեառն» բառն ունի ընդհանուր նշանակութիւն, իսկ «Մասիս» բառը բացահայտում է նրան, որոշակի դարձնելով ուրիշ բաղաթիվ լեռների մեջ։ ո՞ր լեռը՝ Մասիս լեռը։ Նա բացահայտիչ-բացահայտալի կապակցութիւններ է համարում՝ «ղկարիճն ղԱրհմն», «ղԱրտիմէղ քաղաբաւ», «ի Փառան լեռնէ» և ալն։ Իսկ որոշիչի մասին

6 Մ. Չալրխյան, Քերականութիւն հայկաղեան լեզուի, Վենետիկ, 1779, էջ 143։

7 Ա. Բագրատունի, Հայերէն քերականութիւն ի պէտս զարգացելոց, Վենետիկ, 1852, էջ 323։

8 Նույն տեղում, էջ 323—325։

9 Վ. Չալրխյան, Քերականութիւն հայկաղեան լեզուի..., Վիեննա, 1888, էջ 207 և 252—255։

խոսելիս թուցիկ նշում է, որ այն կարող է արտահայտվել նաև ածականաբար գործածված գոյականներով և բերում մի երկու օրինակ՝ «ծառայ այր», «ջնշ ժամանակ» և այլն:

Ըստ Ստ. Մալխասյանցի, որոշիչները պատասխանում են ինչպիսի՞նք. ո՞ր. Բանի՞ հարցերի:

Այսպիսով, ստացվում է, որ թե՛ բացահայտի, թե՛ որոշիչի համար առաջադրվում է միևնույն ո՞ր հարցը: Իրականությունն այն է, որ գրաբարում էլ բացահայտիչը պատասխանում էր ո՞ր, ո՞վ, զի՞նչ հարցերի, իսկ ո՞ր հարցը տրվում էր միայն որոշիչի համար: Ահա թե ինչու Ստ. Մալխասյանցի բերած օրինակների զգալի մասը ոչ թե բացահայտիչ է, այլ որոշիչ¹⁰:

Մ. Աբեղյանն էլ, գրաբարի նախորդ քերականների նման, գոյականի գործածությունը գոյականի հետ դիտում է որպես միայն բացահայտիչ¹¹:

Ըստ Հ. Կուսիկյանի, գոյականի գործածությունը գոյականի հետ, եթե հատկացուցիչ չէ, բացահայտիչ է. օրինակ՝ «Վարդգէս մանուկն», «ղժառասխ գետով» և այլն¹²: Գոյականի որոշիչային գործածությունների մասին որևէ նշում չի անում:

Ս. Ղազարյանը գրաբարի գոյական որոշիչի և բացահայտիչ հարցում գրկթե նույնությունը պաշտպանում է ավանդական տեսակետի: Նա նույնպես գտնում է, որ գրաբարում որոշիչը կարող էր արտահայտվել նաև գոյական անվամբ, որն այդ պաշտոնում դրսևորում է ընդհանրապես առարկայի որակական հատկանիշը և բերում այսպիսի օրինակներ՝ «զբարարլուրն մեծ բիրդ», «շամփուր երկաթի» և այլն¹³: Ըստ նրա՝ բացահայտիչը կարող է լինել թե՛ նախադաս, թե՛ հետադաս: Եվ տալով գրաբարի գոյական որոշիչի և բացահայտիչ տեսական մի շարք ճիշտ բացատրություններ, գործնականում բացահայտիչ-բացահայտյալի կապակցություններ է համարում հետևյալ գործածությունները՝ «Արտաշատ քաղաքի», «Իշխան Անգեղ տան», «ի քաղաքէ նազարեթէ», թեև, նրա կարծիքով, դրանք իրենց իմաստով և համաձայնության կանոններով մոտենում են որոշիչներին և որոշիչ-որոշյալի կապակցություններ են համարվում ժամանակակից հայերենում¹⁴:

Աշ. Աբրահամյանի «Գրաբարի ձևաբանությունը» ծանոթագրություններում նշվում է. «Հոգ է ընդունում նաև այն նախադաս որոշյալը, որի որոշիչը հատուկ անուն է՝ արքայն Արտաշէս, գետն Երասխ, քաղաքն Տիղբոն»¹⁵:

Ուրեմն այսպիսի օրինակները Աշ. Աբրահամյանը որոշիչ-որոշյալի կապակցություններ է համարում:

Այսպիսով, գրաբարի շատ ուսումնասիրողներ քննարկվող հարցի վերաբերյալ ունեցել են մոտավորապես միատեսակ հայացք, ըստ որի գոյականը այլ գոյականի հետ կապվում է կա՛մ իբրև հատկացուցիչ, հատկացյալ, կա՛մ իբրև բացահայտիչ, բացահայտյալ: Բոլորովին անտեսելով հնչերանգը, որ այնքան էական նշանակություն ունի բացահայտիչ-բացահայտյալի ձևավոր-

¹⁰ Ստ. Մալխասյանց, Գրաբարի համաձայնությունը, Թիֆլիս, 1892, էջ 88, 93:

¹¹ Մ. Աբեղյան, Գրաբարի քերականություն, Երևան, 1936, էջ 163:

¹² И. Кусикьян, Очерки исторического синтаксиса литературного армянского языка, М., 1959, стр. 20—21.

¹³ Ս. Ղազարյան, Հայոց գրական լեզվի պատմություն, Երևան, 1961, էջ 418:

¹⁴ Նույն տեղում, էջ 504 և 427:

¹⁵ Ա. Աբրահամյան, Գրաբարի ձևաբանություն, Երևան, 1964, էջ 410:

մյուս հասար, այդ քերականները բավարար չափով հաշվի չեն առել նաև շարահասոթությունը, որը նույնպես բացահայտիչ-բացահայտյալի կապակցության ձևավորման մյուս կարևոր հատկանիշներից մեկն է:

Խսկ նրանք, ովքեր այս կամ այն չափով հաշվի են առել շարահասոթությունը կամ ածականի նշանակություն են տեսել գոյականի առանձին կիրառությունների մեջ, անտեսելով հնչերանգը, այդպիսի կիրառությունները, ընդհանուր տոմամբ, համարել են բացահայտիչ մի տարատեսակ: Այնուամենայնիվ, գոյականի ածականական կիրառությունների մասին ունեցած ըմբռնումը մի կարևոր քայլ էր հետադարձում այդպիսի գործածությունները բուն բացահայտիչ տարրերի: Համար:

Մեր կարծիքով արդի հայերենի գոյական որոշիչի ու բացահայտիչ և V դարի սրբագրի գոյական որոշիչի ու բացահայտիչ միջև, մի շարք տարբերությունների հետ միասին, կան ակնառու ընդհանրություններ, որոնց հաշվառումով ավելի ճիշտ կլինեք որոշել, թե տվյալ գոյականը որպես որոշիչ է հանդես եկել, թե՝ որպես բացահայտիչ:

Մենք ևս գտնում ենք, որ բացահայտիչը չի կարող նախադաս լինել: Նախադաս գոյականը կարող է լինել որոշիչ, որոշյալ, հատկացուցիչ, հատկացյալ և բացահայտյալ, բայց ոչ երբեք բացահայտիչ: Սա պայմանավորված է հայերենի բացահայտիչ հատուկ արտաբերությամբ, ըստ որի իբրև բացահայտիչ է ըմբռնվում ետադաս գոյականը՝ անկախ նախադաս գոյականի բովանդակությունից, որը կարող է լինել թե՛ եզակի, թե՛ ընդհանուր, թե՛ անհայտ, թե՛ շատ կողմերով հայտնի: Ինչպիսի առարկա էլ լինի, այն միշտ կարող է բացահայտվել մի նոր հատկանիշով:

V գ. հուշարձաններում (հատկապես Աստվածաշնչում) տարածված լեզվա-ոճական երևույթ է այն, որ խոսքի մեջ անձի հատուկ կամ հասարակ անունները հիշատակելիս միաժամանակ նշվում է տվյալ անձի տոհմաբանությունը՝ նրան նախորդող սերունդների հաջորդաբար թվարկումով: Նման դեպքերում տվյալ անձի անվան վրա դրվում է այլ գոյական անուն, սրա վրա էլ մի ուրիշը և այսպես շարունակ: Ստացվում է գոյականների կապակցության մի շղթա, որի մեջ յուրաքանչյուր օղակ լրացնում է իր նախորդին: Այսպիսի լրացումներն ու լրացման լրացումները անպայմանորեն բացահայտիչներ են և ոչ որոշիչներ, որովհետև դրանք, մանավանդ երբ երկար է նրանց շղթան, այլ կերպ չեն կարող արտաբերվել, քան միայն համապատասխան տրոհումներով, շեշտերով, ելևէջներով ու դադարներով: Այսպիսի կապակցություններն ընդհանրապես շրջւն շարահասոթյամբ հանդես գալ չեն կարող: օրինակ՝ Եկաց Լախակուպոսապետ Հայոց Մեծն Ներսէս, որդի Աթանագինէայ, որդւոյ Յուսկան, որդւոյ Վրթանոյ, որդւոյ սրբոյն Գրիգորի (ՄԽ, II, 278—9), Տէսիլ Լտես Մուրթթէ որդի Յայիրայ, սրդւոյ Սեմեայ, որդւոյ Կիսեայ, յազգէ Բենիամինի, այլ Հրեայ (Եսթ., ԺԱ, 2)... Աստիճանականության այս շղթան երբեմն իրիստ երկարում է:

Եթե նման կապակցություններում հաջորդական թվարկումը սահմանափակվում է միայն առաջին և երկրորդ աստիճանների նշումով, բայց այդ աստիճաններն (լրացում-լրացյալ) իրենց հերթին ունեն լրացումներ, ապա դրանք նույնպես բացահայտիչ-բացահայտյալներ են, քան որոշիչ-որոշյալներ: Պատճառն այն է, որ իրար հետ են կապվում երկու կապակցություններ, որոնց մեջ ինչ-որ չափով արտասանական դադար պետք է լինի, մանավանդ եթե հաշվի

առնենք այդ կապակցությունների ներքին, տրամաբանական կողմը. օրինակ՝ Վասն կնոջ իւրոյ Աշխենայ տիկնոջ (Ագթ., ՃԵ. 397), Սկիզբն արարեալ յամացն Արշակայ արքայի որդւոյն Տիրանայ (Եղշ., I, 6), Արտաշիսի արքայի հայոց, որդւոյն Վառաճապհոյ (Եղշ., I, 6):

Գրաբարում շատ են տարածված այն կապակցությունները, որոնցում միայն մի գոյականն ունի լրացում (հատկապես հատկացուցիչ): Սրանք նույնպես, ըստ երևույթին, ունեցել են բացահայտիչ-բացահայտյալին հատուկ արտաբերություն: Սակայն բացառված չէ, որ նրանք, գոնե առանձին դեպքերում, եղած լինեն որպես որոշիչ-որոշյալի կապակցություններ. օրինակ՝ Յոթժամ ասիցէ Յեսու որդի Նաւեայ (ԵԿ, II, ԻԵ, 131), Որ գթացար յԽառնակ ծառայ քոյ (Ագթ., ԺԵ, 93), Սպանանել զԲաղնայապետն Աստուծոյ զՎերաբնէս (ՓԲ, III, Գ, 7):

Սովորաբար բացահայտիչ-բացահայտյալի և ոչ որոշիչ-որոշյալի հարաբերություն են արտահայտում այն կապակցությունները, բոնացում նախադաս գոյականը կամ գոյականաբար կիրառված այլ խոսքի մասերն արտահայտում են ընդհանուր հասկացություն, իսկ հետագայ գոյականները բացահայտում են այդ ընդհանուրի մեջ մտնող մասնավոր հասկացությունները: Կապակցության այս տիպը պահպանվել և լայնորեն կիրառվում է նաև արդի հայերենում: Ահա՛ Եւ տայր պատեբաղմ շուրջ ընդ ամենայն թշնամիս իւր, ընդ Մովսրայ և ընդ որդիսն Ամոնայ և ընդ որդիսն Եղովմայ և ընդ Բեթսուրայ և ընդ Թագաւորին Սուրայ և ընդ ալլագգիսն (Ագթ., ԺԴ, 47), Արդ ի բաց թօթափեցէք և դուք զայն ամենայն. զբարկութիւն, զսրմտութիւն, զչարութիւն, զհանդիմանութիւն, զխեղկատակութիւն ի բեշանոց ձերոց (Կող., Գ, 8)...

Շարադասությունը ևս ղգալի չափով կարող է նպաստել հետագայ գոյական որոշիչների տարբերակմանը: Սովորաբար հետագայ գոյական որոշիչներն անմիջապես դրվում են իրենց լրացյալի մոտ: Հետևաբար, եթե հետագայ գոյականներն ընդմիջված են նախադասության այլ անդամներով, ապա նրանք ոչ թե որոշիչներ են, այլ բացահայտիչներ: Պետք է նկատի ունենալ, որ այդպիսի կապակցությունները, հենց նախադասության կառուցվածքային անհրաժեշտությամբ, չեն կարող արտաբերվել այլ կերպ, քան բացահայտիչ-բացահայտյալի կապակցությանը հատուկ հնչեբանգով: Նման դեպքերում, որպեսզի ապահովվի նախադաս և ընդմիջված կամ հեռու ընկած գոյականի քերականական-իմաստային կապը, պետք է որ նրանք զուգվեն նաև արտաբերության միջանկյալ անդամները կամ նախադասությունները առանձնացնելով նրանցից տրոհվող արտաբերությամբ: Օրինակ՝ Արտաւագղւսյ, ոչ գտեալ, առնէն, քաջի որդւոյն Արտաշիսի, տեղեկիկ ապարանից (ՄԽ, I, Լ (ԼԱ), 84), Առ դու զորդիդ քո սիրելի զուր սիրեցեր՝ զԽառնակ (Մենդ., ԻԲ, 2), Ունիմք այսուհետեւ Քառնայապետ մեծ անցեալ ընդ երկինս, զՅիսուս (Եբր., Դ, 14)...

Թւե՛ք գրաբարում կարող են լինել սովորական բացահայտիչ այլ օրինականեր ևս, բայց սահմանափակվենք վերը նշվածով և ցույց տանք այժմ այն հիմնական դեպքերը, երբ հետագայ գոյականները ոչ թե բացահայտիչներ են, այլ որոշիչներ:

1. Երբ իրար հետ կապված գոյականներից մեկը, լինի նախադաս թե հետագայ, առամաբանաբար կամ քերականորեն պահանջում է ո՞ր հարցը, ապա այն որոշիչ է:

2. Եթե անվանական կապակցություններն ըստ կազմության պարզ են,

ալսինքն՝ նրանց անդամներն իրենց հերթին շունեն լրացումներ կամ լրացման լրացումներ, ապա դրանք հանդես են գալիս որպես որոշիչի և որոշյալի կապակցություններ. օրինակ՝ Ապա երթեալ հասանէր ի վերա նոցա զօրավարն Վաշի (ՓՔ, III, Գ. 9), Առ ափն Տղմուտ գետոյն (Եղշ., V, 116), Յաղագս շինուածոյ նրուանդաշատ քաղաքի (ՄԽ, II, ԼԽ, 165):

Բացի վերոհիշյալից, գոյականով որոշիչ-որոշյալի և բացահայտիչ-բացահայտյալի կապակցությունների տարբերակման հիմքում կարող են դրվել իմաստալիս և այլ գործոններ: Եթե այս առումով խմբավորելու լինենք վերոհիշյալ 2-րդ ենթակետի տակ մտնող կապակցությունները, ապա կարող ենք ասել, որ գոյական անունները որոշիչ-որոշյալի կապակցություններ են ստեղծում հետևյալ դեպքերում:

Երբ կապակցության անդամներից մեկը անձի հատուկ անուն է, իսկ մյուսը՝ հասարակ անձնանուն, ապա գոյականներից յուրաքանչյուրը կարող է դիտվել իբրև մյուսի լրացում. օրինակ՝ Որդի Արկաղու կայսեր (Կոր., ԺԶ, 64), Արքային Տրդատայ (ՓՔ, III, Ա, 5), Եւ թարգման կացոյց զՍահակ եպիսկոպոս (Եղշ., VII, 162)...

Երբ կապակցության հատուկ անուններից մեկը հատուկ տեղանուն է, իսկ մյուսը՝ հասարակ: Նման դեպքերում որպես որոշիչներ են հանդես գալիս հատուկ անունները, թեև առանձին դեպքերում հասարակ անունները ևս կարող են մտածվել իբրև որոշիչ. օրինակ՝ Պոնտոս ծովու (ՄԽ, II, ԺԱ, 121), Անցո՛րստ Պան դուռն ի ներքս (Եղշ., I, 9), Ի Թիլն աւանի (ՓՔ, III, Բ, 6), Ի լերինն Գեբաղ (Քօր., ԺԱ, 29):

Հայտնի է, որ գրաթարում գոյական անվան սեռի կարգ չի եղել: Երբ առանձին դեպքերում հարկ է եղել սեռային տարբերակում մտցնելու տվյալ գոյական անվան լոմբոնման մեջ, նրա հետ գործածել են առանձին բառեր՝ ալյր (արական սեռի համար), կին (իգական սեռի համար): Նման պարագայում ևս առաջանում են որոշիչ-որոշյալի կապակցություններ: Օրինակ՝ Առն մարդոյ չէ պարտ ծածկել զգլուխ իւր (Կորնթ., ԺԱ, 7), Որ հայր ի կին մարդ առ ի ցատկանալոյ, անդէն շնացաւ ի սրտի իւրում (ԵԿ, IV, ԺԲ, 192)...

Այն գոյական անունները, որոնք դրվելով այլ գոյականի վրա, ցույց են տալիս վերջինիս աղգությունը կամ լեզուն, միշտ որոշիչ են դառնում. օրինակ՝ Եւ վկայեն որ աստ առ ձեզ հայ մարդիկ են (ՂՓ, III, Զ, 323), Ի ձեռն Յոսեփի իւրի (ՄԽ, II, ԶԷ, 236), Որպէս և ոչ յաստի լեզու՝ ջուր կամ երկին (ԵԿ, IV, Ե, 181)...

Երբ հասարակ գոյական անունները գործածվում են փոխաբերական իմաստով կամ ցույց են տալիս հարակից գոյական անվան սեռումը, ծագումը, ինչից լինելը և նման հատկանիշներ, ապա դրանք ստորաբար հանդես են գալիս որպես որոշիչներ. օրինակ՝ Արդ Զրուանն եթէ արջառ էր, զկարիճն զԱրհմն դիարդ ծնանէր. և եթէ գայլ էր զԳառնն գՈրմիդդ Կիմ ծնանէր (ԵԿ., II, Գ, 85), Նա հուր հեր ունէր, Ապա թէ բոց ունէր մօրուա (ՄԽ., I, ԼԱ (ԼԲ) 86):

Մարդու տարիքը կամ հասակը ցույց տվող տղայ և մանուկ բառերը դրվելով տի՛ք բառի կամ հատուկ անձնանունների վրա, դառնում են նրանց որոշիչներ. օրինակ՝ Սկիզբն արար առաքինութեանն անդատին ի տղայ տիոց իւրոց (Եղշ., I, II, 192), Եւ մանուկն Սամուէկ կայր ի սպասու Տեառն (Ա. Թագ., Գ, 1), Հադերձ մանկավրն Արտաշիսի (ՄԽ, II, ԽԶ, 170):

Գոյական որոշիչը համաձայնության մեջ դրսևորում է այնպիսի օրինա-

չափություններ, որոնք հատուկ են ածական որոշիչին: Սակայն այն ունի նաև մասնակի առանձնահատկություններ:

Ածականների նման գոյականը ևս շարադասվում է գոյականից թե՛ առաջ, թե՛ հետո, տարածվածը, սակայն, հտադաս գործածություններն են:

Ըստ շարադասության գոյական որոշիչն ունենում է համաձայնության հետևյալ կանոններն ու առանձնահատկությունները:

1. Եթե նախադաս գոյական որոշիչը հատուկ տեղանուն է, որպես կանոն, հոլովով չի համաձայնում որոշյալին. օրինակ՝ Ի կողմն Յոշական բերդին (ՓԲ, III, է, 15), Առ դրունս Արտաշատ քաղաքի (Ազթ., Բ, 22), Զափամբ Ռուսի գետուն (Կոր., Թ, 54):

Հատուկ անունները հոգնակի թիվ չունեն, գործածվում են միայն եղակի թվով: Սովորաբար եղակի թվով են գործածվում նաև գոյական որոշյալները. Լթե նրանց նախադաս գոյական որոշիչը բազմակի չէ:

Հատուկ տեղանունով արտահայտված նախադաս որոշիչը խիստ հազվադեպ կարող է համաձայնել իր որոշյալին. օրինակ՝ Զերիցունս ևկեզեցունյի Տիսպոնի քաղաքի (ՓԲ, IV, ԺԶ, 106), Ի Սիոնէ լեռնէ (Դ Թագ., ԺԹ, 3)...

2. Եթե նախադաս գոյականը անձի հատուկ անուն է, սովորաբար հոլովով և թվով համաձայնում է հտադաս որոշյալին. օրինակ՝ Սմբատայ ասպետի (ՄԽ, III, ԼԷ, 303), Առ Թեոդոսի կայսեր (ԵԿ, II, ԺԴ, 108), Յուզղէ արքայէ (Եղշ., II, 29)...

Սակավ գործածություններում նախադաս հատուկ անձնանունը կարող է հոլովով անհամաձայն մնալ. օրինակ՝ Եւ հրաման յԱրզնստոս կայսերէ (Ղուկ., Բ, 1), Որոշումն Բակուր բղեշխին (ՄԽ, III, 251), Փաւստոս եպիսկոպոսի (ՓԲ, IV, 224)...

3. Հասարակ անունները (հայ, յոյն, ասորի, բոց, հուր, կարիճ, պարսիկ...) նախադաս կիրառությամբ սովորաբար թեքված հոլովաձևերով հանդես չեն գալիս:

Այսպիսով, եթե նախադաս գոյական որոշիչը իր ցույց տվող հատուկ կամ հասարակ անուն է, ընդհանրապես հոլովով չի համաձայնում որոշյալին, բացի լինում են աննշան բացառություններ: Իսկ եթե նախադաս գոյական որոշիչը անձ ցույց տվող անուն է, ընդհանրապես համաձայնում է իր լրացյալին:

5) Եթե հտադաս գոյական որոշիչը հատուկ տեղանուն է, ընդհանրապես հոլովով չի համաձայնում որոշյալին. օրինակ՝ Ի լերինն Գերաղ (Բօր., ԼԱ, 49), Ի քաղաքիս յԵրուսաղէմ (Ղուկ., ԻԴ, 49), Ի նմին աւանի Կուաղ (ՄԽ., III, ԻԲ, 282)...

Խիստ հազվադեպ հտադաս հատուկ տեղանունները հոլովով համաձայնում են որոշյալին. օրինակ՝ Յերկրէն Հայաստանէ (ՓԲ, III, Ժ, 21), Ի քաղաքէ Նազաւրեթէ (Ղուկ., Բ, 4)...

Հաճախ մեր մատենագիրները հատուկ տեղանունները գործ են ածում տվյալ տեղում ապրող բնակիչների անունից՝ սեռական հոլովով. նման պարագայում գոյական անունների կապակցությունները վերածվում են որոշիչային խմբատու հատկացուցիչ-հատկացյալ կապակցությունների. օրինակ՝ Ի Կեսաւացոց քաղաքին (Ազթ., ՃԻԴ, 451—452), Ի քաղաքն Մելիտինացոց (Կոր., ԺԶ, 66), Ի Սեբաստացոց քաղաքին (ՄԽ., II, 2, 221)...

Եթե հտադաս որոշիչը հատուկ անձնանուն է, ապա, որպես կանոն, հոլովով միշտ համաձայնում է որոշյալին. օրինակ՝ Թագաւորին Պապալ (ՄԽ.,

III, 18, 306), Զօրավարին Վաչէի (ՓԲ, III, ԺԼ, 23), Հայրապետին Վրթանայ (ՓԲ, III, ԺԼ, 23), Հանդերձ զօրավարան Վաչէի (ՓԲ, IV, է, 17)...

Ետադաս շարահասությունը հատուկ անձնանունները ավելի սակավ են հանդես գալիս որպես որոշիչ, քան հատուկ տեղանունները:

Այսպիսով, ետադաս դոյական որոշիչի պաշտոնով հիմնականում հանդես են գալիս հատուկ տեղանունները, որոնք ընդհանրապես հոլովով չեն համաձայնում իրենց որոշյալին. կան առանձին բացառություններ: Հաճախ հատուկ անձնանունները ևս ետադասվելով գոյականին, դառնում են որոշիչներ, որոնք հոլովով միշտ համաձայնում են որոշյալին:

Իսկ ամբողջ ասվածից բխում է, որ առհասարակ իր ցույց տվող հատուկ թև հասարակ անունները, աննշան բացառություններով, հոլովով չեն համաձայնում ինչպես նախադաս, այնպես էլ ետադաս որոշյալին: Մինչդեռ անձ ցույց տվող անունները սովորաբար համաձայնում են թե՛ նախադաս, թե՛ ետադաս որոշյալներին:

ՀԱՄԱՌՈՏԱԳՐՈՒԹՅՈՒՆՆԵՐ

ԱզԹ.— Աղաթանգեղա՝ Պատմութիւն Հայոց, աշխատութեամբ Գ. Տէր-Մկրտչեան և Ստ. Կալանճեան, Տփղիս, 1909:

2. ԵԿ.— Եղնրկայ վարդապետի Կողբացւոյ Եղծ աղանդոց, Թիֆլիս, 1914:

3. Եղշ.— Եղիշի վասն վարդանայ և հայոց պատերազմին, ի լոյս ածեալ բաղդատութեամբ ձեռագրաց աշխատութեամբ Ե. Տէր-Մինասեան, Երևան, 1957:

4. Կոր.— Կորին վարդ Մաշտոցի, բնագիրը, Հեռագրական այլ ընթերցվածքներով, Թարգմանութեամբ, առաջաբանով և ծանոթագրություններով ի ձեռն պրոֆ. դ-ր Մանուկ Աբեղյանի, Երևան, 1941:

5. ՂՓ.— Ղազարայ Փարպեցւոյ Պատմութիւն Հայոց, Թիֆլիս, 1907:

6. ՄԽ.— Մովսիսի Խորենացւոյ Պատմութիւն Հայոց, աշխատութեամբ Մ. Աբեղեան և Ս. Յարութիւնեան, Տփղիս, 1913:

7. ՓԲ.— Փաւստոսի Բուզանդացւոյ Պատմութիւն Հայոց, Ս. Պետերբուրգ, 1883:

Մնացած համառոտագրությունները վերաբերում են Առավածաշնչին՝ հրատարակված Կ. Պոլսում, 1895 թ.:

СОГЛАСОВАНИЕ ОПРЕДЕЛЕНИЯ, ВЫРАЖЕННОГО ИМЕНЕМ СУЩЕСТВИТЕЛЬНЫМ, В ДРЕВНЕАРМЯНСКОМ ЯЗЫКЕ

Г. М. АВЕТИСЯН

Резюме

Хотя имеется много общностей между определением, выраженным именем существительным, и приложением, однако эти две грамматические категории.

Если определения, выраженные именами существительными, обозначают человека, то, обычно, согласуются в падеже и в числе как с предпозитивными, так и с постпозитивными определяемыми, а если обозначают вещество, то не согласуются.